

РОССИЯНИНГ “САН МАРКО” КОМПАНИЯСИ ФАРГОНАДА МАРМАРДАН РАКОВИНАЛАР ИШЛАБ ЧИҚАРИШНИ ЙЎЛГА ҚЎЯДИ

Вилоят ҳокими Хайрулло Бозоров Россиянинг “Сан Марко” компанияси директори Александр Колотовни қабул қилди.

Учрашувда “Сан Марко” компанияси томонидан вилоятимиз ҳудудида режалаштирилаётган мармардан раковиналар ишлаб чиқаришни йўлга қўйиш лойиҳаси муҳокама қилинди.

Кўп ийллик тажрибага ҳамда ҳалқаро бозорда ўз ўрнига эга ушбу компания, Фарғона вилоятида ташкил этиладиган корхонада ишлаб чиқариладиган маҳсулотларни ички бозорга, шунингдек, Ҳиндистон, Араб давлатлари бозорларига экспортга йўналтиришни кўзда тутмоқда. Лойиҳани амалга ошириш натижасида жами 150 та янги иш ўринлари шакллантирилади. Дастлабки босқичда иш бошлайдиган маҳаллий ходимлар учун Россиядаги ишлаб чиқариш корхонасида ўқув-малака курси ташкил этилиши режалаштирилган.

Учрашувда ушбу корхонани вилоятимизнинг Сўх туманида жойлаштириш масаласи муҳокама қилинди. Лойиҳани тезкор амалга ошириш учун туман ҳудудидаги бўш турган ишлаб чиқариш майдонлари бўйича маълумот тақдим этиладиган бўлди.

Вилоят ҳокими ушбу лойиҳани муваффақиятли амалга оширилишида ҳар томонлама кўмак берилишини билдириди.

Учрашувда вилоят ҳокимининг ўринbosари Иқболжон Эргашев ҳам иштирок этди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-10-23 21:07:35